



## Karbrief

Hjoed, trettjin septimber twatûzenalve, \_\_\_\_\_  
ferskynden foar my, mr. Gjalt Sjoerd van der Hem, notaris festige te Jorwert \_\_\_\_\_  
(gemeente Littenseradiel): \_\_\_\_\_

1. de heer **Jacobus Tiemersma**, wenjend te **9298 JT Kollumerzwaag, Foarwei – 186**, berne yn Frensjer op tweintich maart njoggentjin hûndert twa en fyftich, —  
identificatie: rydbewiis/4713888701, \_\_\_\_\_  
ôfjûn troch de boargemaster fan de gemeente Kollumerland \_\_\_\_\_  
op fjouwer novimber twatûzensien, \_\_\_\_\_  
troud; \_\_\_\_\_
2. de heer **Sjieuwe Borger**, wenjend te **8939 BT Leeuwarden, De Linde 9**, berne yn Meppel op trije desimber njoggentjin hûndert fjouwer en sechtich \_\_\_\_\_  
identificatie: pas/NPBH50KF6, \_\_\_\_\_  
ôfjûn troch de boargemaster fan de gemeente Leeuwarden \_\_\_\_\_  
op sechstjin novimber twatûzensân, \_\_\_\_\_  
troud; \_\_\_\_\_  
hokker komparanten ferklearje te hanneljen \_\_\_\_\_  
de earste as foarsitter en \_\_\_\_\_  
de twadde as skriuwer, \_\_\_\_\_  
en as sadanich mei it foech om rjochtsjildich te fertsjinwurdigjen it bestjoer fan —  
de feriening "**It Skriuwersboun**", festige te **Ljouwert**. \_\_\_\_\_

De komparanten ferklearren: \_\_\_\_\_

- op njoggen april twatûzenalve is in ledegearkomste west, wêrfoar de leden \_\_\_\_\_  
oproppen binne op de wize sa't yn it karbryf foarskreaun is, ûnder mear mei it —  
doel om it karbrief te feroarjen \_\_\_\_\_
- op dizze ledegearkomste is rjochtsjildich beslûten om it karbrief te feroarjen op —  
de wize sa't fêstlein wurdt yn dizze akte \_\_\_\_\_
- in ôfskrift fan de notulen fan dizze gearkomste wurdt oan dizze akte taheakke. —  
Ta útfiering fan it boppesteande wurdt troch de boppesteande komparanten fêstlein,  
dat it karbrief mei yngong fan hjoed is as folget: \_\_\_\_\_

### 1. Namme en doel

- 1.1. De feriening hjit It Skriuwersboun, is oprjochte op twaentweintich maart \_\_\_\_\_  
njoggentjin hûndert njoggen en sechstich en fêstige te Ljouwert. \_\_\_\_\_
- 1.2. It Skriuwersboun, hjirnei te neamen it Boun, hat as doel it befoarderjen fan de —  
belangen fan de Fryske skriuwers en de skriuwers yn Fryslân. \_\_\_\_\_
- 1.3. It Boun stribbet dit doel nei troch: \_\_\_\_\_
  - a. it hâlden fan gearkomsten en it organisearjen fan aksjes; \_\_\_\_\_
  - b. it ferskine litten fan útjeften; \_\_\_\_\_
  - c. it lizzen en ûnderhâlden fan kontakten mei oare op literêr en kultureel gebiet —  
wurkjende organisaasjes, ynstellings en groepearingen; \_\_\_\_\_
  - d. alle oare gaadlike middels foar it berikken fan dit doel. \_\_\_\_\_

### 2. Leden en stipers

- 2.1. Lid fan it Boun kinne wurde Fryske skriuwers en skriuwers yn Fryslân, dosinten —  
Frysk, kritisy, publisisten, sjoernalisten, oersetters en oare belangstellenden dy't

it mei de literatuer yn Fryslân goed miene. It bestjoer makket út wa't talitten — wurd as lid en wa net. In negatyf beslút kin troch de ledegearkomste omset wurde yn talitting. \_\_\_\_\_

- 2.2. De leden betelje jierliks in kontribúsje dêr't de hichte fan fêststeld wurdt troch de ledegearkomste. \_\_\_\_\_
- 2.3. In lid kin skrast wurde troch it bestjoer as er wegeret syn kontribúsje te beteljen en troch de ledegearkomste as er yngiet tsjin de belangen fan it Boun. Yn it — earste gefal is berop mooglik by de ledegearkomste. \_\_\_\_\_
- 2.4. Organisaasjes, groepearingen en persoanen kinne stiper wêze fan it Boun. Hja betelje in jierlikse bydrage, dêr't de hichte fan fêststeld wurdt troch de — ledegearkomste. \_\_\_\_\_
- 2.5. It lidmaatskip hâldt op \_\_\_\_\_
  - a. by it ferstjerren fan it lid; \_\_\_\_\_
  - b. mei't it lid opseit; \_\_\_\_\_
  - c. as de feriening it lidmaatskip opseit. Dit kin as in lid net langer foldocht oan de ferplichtings dy't de statuten oan in lid stelle; \_\_\_\_\_
  - d. troch útsluting. Dit kin allinnich as in lid yn striid mei de statuten, \_\_\_\_\_ regleminten of besluten fan de feriening hannelet of de feriening beneidielt.
- 2.6 Mocht in lidmaatskip beëinige wurde, lykas bedoeld yn de punten c en d, dan — kin it lid binnen fjouwer wike yn berop gean. Dit berop wurdt behannele troch de ledegearkomste. Oant dy tiid is it lid skorst, allinnich op de ledegearkomste hat — hy of sy it rjocht it berop ta te ljochtsjen. \_\_\_\_\_
- 2.7 Wannear't it lidmaatskip yn 'e rin fan it ferieningsjier einiget, bliuwt likegoed de — jierlikse bydrage yn syn gehiel stean. \_\_\_\_\_

### **3. Ledegearkomsten**

- 3.1 De leden komme gear sa faak as it bestjoer of op syn minst it tsiende part fan — de leden soks nedich tinkt. Mocht it inisjatyf ta it hâlden fan in algemiene — gearkomste fan de leden ôfkomstich wêze, dan is it bestjoer ferplichte binnen — fjouwer wike in gearkomste te belizzen. Mocht it bestjoer hjiroan gjin gehoar — jaan, dan kinne de oanfregers sels de leden byinoar roppe. \_\_\_\_\_
- 3.2 Ien kear yn it jier wurdt in ledegearkomste hâlden. Op dizze gearkomste komme de folgjende ûnderdielen yn alle gefallen oan 'e oarder: \_\_\_\_\_
  - a. It bestjoer docht ferslach fan syn wurk fan it ôfrûne tiidrek. \_\_\_\_\_
  - b. It finansjele jierferslach wurdt oan de gearkomste foarlein om goedkard te — wurden nei't de kaskontrôlekommisje ferslach útbrocht hat. \_\_\_\_\_
  - c. Ut de leden wurdt in kommisje as bedoeld yn artikel 5.6 beneamd om it — folgjend jier de boeken fan de skathâlder te kontrolearjen. \_\_\_\_\_
  - d. It ynfoljen fan fakatueres. \_\_\_\_\_
  - e. Foarstellen fan bestjoer of leden dy't op de agenda stean. \_\_\_\_\_
- 3.3 De ledegearkomsten binne tagonklik foar leden en begeunstigers. Gjinn tagong — hawwe leden of bestjoersleden dy't skorst binne. Oer talitting fan oaren beslist — de algemiene gearkomste. \_\_\_\_\_
- 3.4 Elk lid hat in stim. In lid kin syn of har stim ek útbringe litte troch in oar lid dat —



- dêrta skriftlik machtige is. \_\_\_\_\_
- 3.5 Foarsafier't by dizze statuten net oars beoardere is, wurde besluten nommen by absolute mearheid fan útbrochte jildige stimmen. Blanko stimmen wurde as \_\_\_\_\_ ûnjildich beskôge. \_\_\_\_\_
- 3.6 Stimmingen wurde mûnling en by hânopstekken ôfhannele. De foarsitter hat it — rjocht út te meitsjen oft in foarstel skriftlik ôfdien wurde moat. By stimmingen oer persoanen hat elk lid dit rjocht. \_\_\_\_\_
- 3.7 De lieding op gearkomsten is yn hannen fan de foarsitter of, by ôfwêzigens, — troch in oar bestjoerslid. Mochten gjin bestjoersleden foarhannen wêze, dan — wiist de gearkomste in foarsitter oan. \_\_\_\_\_
- 3.8 Fan elke ledegearkomste wurde troch de sekretaris notulen opmakke, dy't op — de folgjende ledegearkomste bekrêftige en dêrnei troch foarsitter en sekretaris — tekene wurde. \_\_\_\_\_
- 3.9 Foar algemiene gearkomsten wurde de leden yntiids (op syn minst sân dagen) — skriftlik of oer de mail útnoege oan 'e hân fan it lederegister. By de útnoeving — wurdt melding makke fan de te behanneljen agindapunten. \_\_\_\_\_
- 4. It bestjoer** \_\_\_\_\_
- 4.1 It bestjoer hat as taak de feriening te bestjoeren en te fertsjintwurdigjen nei — bûten ta. \_\_\_\_\_
- 4.2 It bestjoer fan it Boun bestiet út op syn meast sân troch de ledegearkomste — keazen persoanen. De funksjes fan foarsitter, twadde foarsitter, skathâlder en — sekretaris wurde troch de leden fan it bestjoer ûnderinoar ferparte. In — bestjoerslid kin mear as ien funksje beklaaie. \_\_\_\_\_
- 4.3 De beneaming fan bestjoersleden komt fuort út ien of mear binende — foardrachten. In foardracht kin yntsjinne wurde troch sawol it bestjoer as troch — op syn minst tsien leden. \_\_\_\_\_
- 4.4 De bestjoersleden hawwe sit foar trije jier en kinne foar ien kear fuortendaliks — op 'e nij beneamd wurde. Dejinge dy't ta lid beneamd is yn in net troch periodyk — ôfgean iepen kommen plak, giet ôf as dejinge yn waans plak hy/sy beneamd is, — ôfgean moatten hie. \_\_\_\_\_
- 4.5 Fakatueres, ûntstien oars as troch periodyk ôfgean, wurdt binnen twa moanne — yn foarsjoen. Dejinge dy't ta lid beneamd is yn in net troch periodyk ôfgean — iepen kommen plak, giet ôf op it stuit dêr't dejinge yn waans plak hy beneamd — is, ôfgean moast. \_\_\_\_\_
- 4.6 It bestjoerslidmaatskip einiget by opsizzen fan it lidmaatskip, as it lid skriftlik — opseit of as de ledegearkomste him of har dien jout. \_\_\_\_\_
- 4.7 It bestjoer komt gear sa faak as de foarsitter of op syn minst twa leden fan it — bestjoer soks nedich tinke, mar minimaal fjouwer kear yn it jier. \_\_\_\_\_
- 4.8 Fan elke bestjoersgearkomste wurde troch de sekretaris notulen opmakke, dy't — op de folgjende bestjoersgearkomste bekrêftige en dêrnei troch foarsitter en — sekretaris tekene wurde. \_\_\_\_\_
- 4.9 Mocht it tal bestjoersleden ûnder de trije útkomme, bliuwt it bestjoer yn funksje. — Der moat dan lykwols sa gau mooglik in ledegearkomste holden wurde om ien —

de fakatueres te foarsjen. \_\_\_\_\_

4.10 It bestjoer kin foar bepaalde wurksumheden aparte kommisjes ynstelle. \_\_\_\_\_

### **5. Sinteraasje**

5.1 De sinteraasje fan it Boun bestiet út: \_\_\_\_\_

a. kontribúsjes en donaasjes; \_\_\_\_\_

b. skinkingen, erfskippen en erfmakkingen; \_\_\_\_\_

c. subsydzjes en bydragen fan oerheden, ferieningen, ynstellings ensfh.; \_\_\_\_\_

d. alle oare baten. \_\_\_\_\_

5.2 Leden en begeunstigers betelje in jierlikse bydrage. De hichte hjirfan wurdt fêststeld troch de ledegearkomste. It is mooglik de leden ûnder te ferdielen yn kategoryen, wêrby't de hichte fan de bydrage ferskille kin. It bestjoer hat it foech om in lid fan de bydrage frij te skatten, foar in diel of hielendal. \_\_\_\_\_

5.3 It ferieningsjier rint fan ien jannewaris oant en mei ienentritich desimber. \_\_\_\_\_

5.4 It bestjoer is ferplichte de finansjele situaasje skriftlik by te hâlden, sadanich dat rjochten en ferplichtingen fuortdaalks dúdlik binne. \_\_\_\_\_

5.5 It bestjoer bringt binnen seis moanne nei ôfrin fan it ferieningsjier in jierferslach út oer it fierde belied. De begrutting, balâns en finansjele stân fan saken wurde dan oan de ledegearkomste foarlein om, mits yn oarder befûn, dêrnei goedkard te wurden. \_\_\_\_\_

5.6 Op de jiergearkomste wurdt alle jierren út de leden (dy't gjin lid fan it bestjoer wêze meie) in kommisje fan op syn meast trije leden beneamd om de boeken fan de skathâlder te kontrolearjen en hjirfan ferslach út te bringen. It bestjoer is ferplichte alle troch de kommisje opfrege ynformaasje en stikken beskikber te stellen. \_\_\_\_\_

5.7 It bestjoer is ferplichte alle stikken op boekhâldkundich mêd op syn minst sân jier te bewarjen en beskikber te hâlden. \_\_\_\_\_

### **6. Fertsjintwurdiging yn en bûten rjochten**

6.1 De foarsitter en de sekretaris – of by harren ôfwêzichheid har ferfangers – fertsjintwurdigje it Boun yn en bûten rjochten. Kwitânsjes foar yn bard jild en it dwaan fan betellingen kin lykwols ek de hantekening fan de skathâlder- of syn ferfanger – foar folstean. \_\_\_\_\_

### **7. Publikaasjes**

7.1 It Boun jout in blêd út, dat op syn minst trije kear yn 't jier ferskynt. Dêrneist wurdt gebrûk makke fan in eigen webside. \_\_\_\_\_

7.2 De redaksje fan dit orgaan bestiet út op syn minst twa leden dy't op foardracht fan it bestjoer troch de ledegearkomste beneamd en ûntslein wurde. Se hawwe sit foar trije jier en kinne foar ien kear fuortendaliks op 'e nij beneamd wurde. \_\_\_\_\_

7.3 De redaksje is autonoom yn har wurk, mar nimt yn it orgaan yn elk gefal de meidielingen fan it bestjoer op. \_\_\_\_\_

7.4 Leden fan de redaksje krije in útnoeging foar it bywenjen fan de bestjoersgearkomsten. \_\_\_\_\_

7.5 Publikaasjes wurde, foarsafier fan tapassing, tastjoerd oan de leden en de stipers. \_\_\_\_\_



## **8. Wizigjen en ûntbinen**

- 8.1 Besluten om dizze statuten te wizigjen of oan te foljen en om it Boun te \_\_\_\_\_ ûntbinen kinne troch de ledegearkomste nommen wurde mei in meartal fan op – syn minst twa tredde fan de útbrochte jildige stimmen. De leden hawwe it rjocht de útstelde wizigingen yn 't foar yn te sjen. \_\_\_\_\_
- 8.2 Wizigingen en oanfollingen meie net stridich wêze mei it doel fan it Boun; ek \_\_\_\_\_ meie se gjin feroaring bringe yn ferplichtingen dy't it Boun op him nommen hat – by it oannimmen fan skinkingen en erfmakkingen. \_\_\_\_\_
- 8.3 Wizige statuten binne earst jildich wannear't se fêstlein binne yn in notariële \_\_\_\_\_ akte. \_\_\_\_\_
- 8.4 It Boun kin allinnich ûntbûn wurde as it syn doel net mear berikke kin. By it \_\_\_\_\_ ûntbinen fan it Boun sil oan de eigendommen en besittingen fan it Boun in \_\_\_\_\_ bestimming jûn wurde dy't safolle mooglik strykt mei it doel fan it Boun. \_\_\_\_\_
- 8.5 De boekhâlding fan de feriening wurdt troch in neier oan te wizen persoan \_\_\_\_\_ bewarre foar de wetlik foarskreaune termyn. \_\_\_\_\_

## **9. Regleminten**

- 9.1 De ledegearkomste stelt foarsafier't soks nedich is om dizze statuten út te fieren en om it doel fan it Boun op gaadlike wize te berikken, ien of mear regleminten – fêst, dy't neat ynhâlde meie dat stridich is mei dizze statuten. \_\_\_\_\_

### **Slot**

De komparanten binne my, notaris, bekend en de identiteit fan de by dizze akte \_\_\_\_\_ belutsen komparanten is troch my, notaris, oan 'e hân fan de hjirfoar neamde en \_\_\_\_\_ dêrta ornearre dokuminten fêststeld. \_\_\_\_\_

Fan ien en oar is dizze akte yn minút passearre te Jorwert op de mannichste yn it \_\_\_\_\_ begjin fan dizze akte neamd. \_\_\_\_\_

Nei't de saaklike ynhâld fan dizze akte oan de ferskynde persoanen opjûn is, hawwe dy ienriedich ferklearre fan de ynhâld fan dizze akte op 'e hichte te wêzen en der \_\_\_\_\_ gjin priis op te stellen dat dy yn syn gehiel foarlêzen wurdt. \_\_\_\_\_

Dêrmei is dizze akte nei beheind foarlêzen troch de komparanten en my, notaris, \_\_\_\_\_ ûndertekene. \_\_\_\_\_

(J.Tiemersma, S. Borger, G.S.van der Hem)